

Prije ste u unutrašnjosti školja mogli vidit koze, ali sa su pošle ča i više ne moru činiti šćetu po maslinama, a virujte, činile su. Ostalo he samo četiri. Ke će se namnožiti pa će jepe činiti šćetu.

Jedini hotel je vraćen vlasniku pa sa ne laura. Lipo ga je vijti vako praznoga. Neka se i un bokun odmori od horovanje.

Liti imamo Zlarinski festival ulic, ili kako Ingleži napišu Zlarin street festival, ali srića je da traje kratko, pa ako baš morate... a, dojdite.

Urdinamo mi i Brudetijadu i Srdeladu prko lita, ka kuhaju brudete klape ke su jedva perun vidile, a kamo li ugora i brudet. Valja provati u svakomu slućaju.

Imamo i vatrogasno društvo. Tamo ne hote nikako. Ni za živu glavu. Vazda su nahmureni, imaju uniforme, i po cile dane činu fintu da činu nešto važno. A zapravo se samo zajebaju. I piju bire.

E, deboto smo zaboravili. Ako ste gost nautičar i baš hoćete dojti ko nas, vežite se u Prviću, ode nima baš mesta.

Ako se, ne daj Bože, razbolite, imamo modernu ambulantu, samo ča nima likara ka van pade na pamet.

Nismo baš zabrinuti jerbo nas čuvaju sveti Fortunato i Gospe o Rašelje u mnogin crikvama ke su strateški raspoređene po školju, pa u svojin điradama ne morete ne naletiti na njih. Nisu otvorene, ali morete kroz ponistre ćuliti unutra.

I zato, ako ste sve ovo s pacijencun proštili, ne tribate ni dolaziti jerbo ionako sve na onomu guglu morete vijti. Pošaljite šolde ka da ste ode bili i sve obašli, a nas molajte na miru da lipo na zidiću cicamo bire i zajebajemo se.

Evala van, zdravi i veseli bili!

... i na kraju malo teksta na lakše razumljivom jeziku: kroz nama svojstven, boroviški humor, htjeli smo vam u kratkoj brošuri, na neobičan način, predstaviti naš otok i u njoj navesti samo mali dio zanimljivosti s kojima se možete susresti, ako se odlučite doći. Ma naravno da hoćete, jer vrijedi. Svaka minuta.

ZAJEBANTSKI INDRICI ZA NAŠE DRAGE GOSTE TURISTE

Dragi naši turisti, očito ste došli ko nas, ka ste već morali, pa ćemo van dati par indricov, ča morete, a uopće ne morate na našem školju vijti.

Ka ste se već iskricali na Novoj rivi, morete pojti livo ili desno, jer uprav tako, sve ča valja vijti nalazi se livo ili desno o rive. Zato ča je riva u sredini. Tamo su prve znamenitosti, naše toverne, a ima ih pet ili šest, ne znamo ni sami. Ka he sve obajdete, obašli ste veliki dija našega mesta.

Po putu od toverne do toverne vijćete malu butigu, u koj ima svega za kupiti, od jagle do ferate, a poseban je dija posvećen raznin špiritima i bibitima. Dobro, osin nje imamo i trafiku i još jenu malu butigu, ali to ima svako misto.

U vali je Pošta, ako tukate impoštati leteru oli razgljednicu, pošćerica van laura uru i po na dan, a ima i po ure pauze za marindu. Mepar je bolje da ništa ne impoštajete.

Šećući ste vidili i sve plaže, a mi preporučamo Donju bandu, oliti Marin, jerbo se tamo banja elita, pa in malo dižite živce štrapanjun, vikanjun i vonjajte čin žešće uljima za sunćanje. Ko ih šljivi ka se ne kupaju na Vili ka cili normalni svit.

Ne znamo jeste li ćuli novitade, ali od naza nikoga doba imamo Centar koraljov.

Tamo morete sve vijti, kako je sve nastalo i nestalo, sve je lipo, moderno, lašćivo i blišćivo, ali ne morete logićno, kupiti koralje. Nima ni barba Mladena, ali ima Vesne iako nas nije hajala.

Baranku imaju lift!

Ako van se još uvik grede, ajte do Lokvice, to smo uredili da morete gljedati mutnu vodu. Ako je ima. Ako je nima napunu je vatrogasci, samo ih tuka zvati. Tote smo ćinili akciju Vlažno je važno, pa su se izlegle zlatne ribice ke tote pripadaju ka seldo na kozi.

Imamo paune i njihovo deranje morete ćuti po cile dane i noći, deru se ka bodenici. Ne bojte se, to se oni dozivaju radi tabašćanja. Bože moj, ovi školj i na njih djeluje!

Hoditi morete po svim putima ki su i za bicikle, a ako dojdete do osmatračnice, nemojte se penjati, opasno je. Je da se vidi do Biševa, ali lako moguće da su skale izgnijjale.

Imamo i stinu za penjanje, tamo prema vali Tatinja, ali nemojte hoditi tamo, jer je liti vruće. Ki normalan po toj žegi grede na stine? Hote zimi. Ako ste ode i ako nije mrzlo.

Imamo i Kljepac, mali ali naš najvisoćiji brig, samo tamo nemojte iti jer je gori odašiljać za mobitele. Govoru da to zraći, to su posla o vidin.

Velika gusterna u Strani ća smo je nedavno oćistili, lipa je za vijti, ali zašto smo to uopće ćinili ka svi imaju vodovod? Ne i kanalizaciju. Input iz mora autput u more.

Ako šećući dojdete do Malpage, tamo van je košarkaško igralište, di domaći ćesto igraju, više od dese puti godišnjje, ali nemojte ni tamo iti, jer će van bit vruće, ispotićete se, a neće biti ništa mrzloga za sukñiti.

Imamo i nogometno igralište u dnu vale, samo utakmice morete gljedati na nogama, jerbo nima mista za sest. Mriža će vas ćuvati od udarca baluna, ali ne baš vazda.

Zog za balote ima, ali je rezerviran svaki dan, pa ne tribate tamo ni hoditi jer nećete igrati. Petkun igraju žene. To izbjeđnite po svaki cinu.

Biblioteka nan je u frižiderima, eto kakovi smo. Sve se vrti u ili kolo frižiderov, pa i libri. Smišćena je ispr Turistićke, na Galinoj rivi.

Tote ućinite veliki kolobar i najbolje da se ne približavate, jer ki vas vidi da iz frižiderov vazimljete libre, misliti će da ste porebambili ili da ste u njih hranili botulje o vina. Komu je to šalvadigu palo na pamet?